

April
2010

	Telefoon	Faks
Hermanus	028 313 8000	028 312 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445
24 Uur Beheerkamer Brandweer	028 313 8000/8111 028 312 2400	

Bulletin

Amptelike nuusbrieff van Munisipaliteit Overstrand

KOMMER OOR NUWE REKENKUNDIGE STANDAARDE DERDE ONGEKWALIFISEERDE OUDIT

'n Ongekwalfiseerde ouditverslag is onder die bykomsende dokumente tot die 2008/9-jaarverslag wat die Burge-meester, rdl Theo Beyleveldt, by die Februarie- raadsver-gadering ter tafel gelê het.

Dit is reeds die derde agtereenvolgende ongekwalfi-seerde ouditverslag wat Overstrand kry nadat die 2005/6-verslag ongunstig was. Die Burgemeester het gesê hy is trots op die verslag wat Overstrand se posisie as een van die beste munisipaliteite in die land onderstreep.

Daar is nog werk om te doen wat die implementering van rekenkundige standaarde betref, maar die Munisipa-le Bestuurder, Direkteur van Finansies en almal wat meegewerk het om dié prestasie te behaal, verdien gelukwense, het rdl Beyleveldt gesê.

Hy het sy besorgdheid uitgespreek oor die hoë oudit-koste, wat vanjaar meer as R3 miljoen beloop het.

Dit volg nadat die Munisipaliteit Overstrand se Jaarverslag vir 2008/9 einde Januarie ter tafel gelê is sonder die verslae van die Ouditeur-generaal, die Oudit-komitee en die Munisipale Bestuurder asook die Burge-meester se voorwoord omdat daar vir uitsluitel van die Rekenmeester-generaal oor voldoeningkwesties ra-kende die toepassing van nuwe standaarde gewag is.

Verskeie vergaderings met die Ouditeur-generaal kon nie daarin slaag om meningsverskille uit die weg te ruim nie, en daarom is 'n vergadering met die Rekenmeester-generaal op 26 Januarie 2010 gehou om uitsluitel te verkry. Sy mening was egter nie betyds beskikbaar vir die tertafellegging van die Jaarverslag nie.

In sy verslag wys die Ouditeur-generaal op aansienlike

verliese ten opsigte van elektrisiteit en water en die gebrek aan 'n formele proses om risiko's te bepaal, en maan dat daar vir die munisipaliteit 'n groot uitdaging voorlê om na volle voldoening aan die nuwe stelsel van standaarde (GRAP) oor te skakel.

Die Munisipale Bestuurder, mnr Werner Zybrands, lig op sy beurt die feit uit dat die hoë koste om aan sekere GRAP-standaarde te voldoen, nie 'n aks bygedra het om dienslewering te verbeter nie. So moes daar 82 berekenings teen 'n koste van R17 000 gedoen word om

te bepaal wat die waarde van die water in munisipale pyplyne is. Volgens hom is van die hoogtepunte in die verslagjaar dat die munisipaliteit daarin geslaag het om 97 persent van die begrote inkomste in te samel, 94 persent van die kapitaalbegroting te bestee en met 'n bedryfsurplus van R23 miljoen af te sluit.

Die Ouditkomitee se bevinding was dat die finansiële posisie van die munisipaliteit gesond is en dat die bestuur van munisipale bedrywighede doeltreffend op grond van 'n prestasiegedrewe stelsel uitgevoer word.

BIBLIOTEKENVRIENDE WERK HARD



HOFUITSPRAAK SE IMPAK OP KREDIETBEHEERMAATREËLS

Die onlangse uitspraak in die Konstitusionele Hof dat verbruikers minstens 14 dae kennis moet ontvang voordat hul dienste weens wanbetaling gestaak mag word, het 'n gevaarlike angel in die stert wat dit nie die moeite werd maak om op hierdie manier uitstel van betalings te bewerkstellig nie.

Saam met die sowat 14 of meer dae grasiae kom daar ook bykomende uitgawes vir die verbruiker in die vorm van die koste van die waarskuwingsbrief en verhoogde deposito's.

Uit die hofuitspraak blyk dit ook duidelik dat die doel van die 14 dae-kennisperiode is om 'n agterstallige verbruiker die geleentheid te gee om verhoë te rig of abetalingsooreenkomste te sluit voor dienste gestaak word.

Sulke geleenthede bestaan daar wel by die Munisipaliteit Overstrand en kliënte wat betalingsprobleme ondervind, word aange-

moedig om so gou moontlik daarvan ge-bruik te maak en nie vir die verpligte kennis-periode te wag om reëlings te tref nie.

Onnodige koste wat op hierdie manier voorkom word, sluit in:

- 'n Bedrag van R275,00 vir die waarskuwingsbrief en invorderingskoste; en
- Verhoogde deposito's gelykstaande aan twee keer die hoogste maandelikse verbruik met 'n minimum deposito van:
 - Water: R 900,00, en
 - Elektrisiteit: R2380,00

By Overstrand is daar ongelukkig verbruikers wat in die gewoonte verval het om hul rekening na die betaaldatum te betaal, welwetende dat die werklike beëindiging van dienste eers later sal plaasvind. Om dié praktyk te ontmoedig, sal daar voortaan onmiddellik nadat die betaaldatum verby is met die skuldinvo-

deringsproses begin word.

Diegene wat van Easy Pay, Pay@, SAPO of Internetbetalings gebruik maak, moet seker maak dat die geld op die 20ste in die munisipaliteit se bankrekening is. Die betaling deur derde partye behoort nie later as ongeveer drie werksdae voor die 20ste gedoen te word nie.

Neem kennis dat die rekening betaalbaar is op die 20ste van elke maand en nie die 25ste of die einde van die maand nie. Indien u na die 20ste u salaris ontvang, moet u poog om vooruit te kom met die betaling van u rekening. Vir u gerief kan 'n debietorder ingevul word wat sal verseker dat u rekening betyds betaal is.

Maak net seker dat daar voldoende fondse in u bankrekening is. Indien 'n tjek en/of aftrekorders deur die bank geweier word, sal die dienste onmiddellik sonder enige verdere kennisgewing gestaak word.

Hermanus-biblioteek is met sy sirkulasie van 270 000 items per jaar een van die voorste biblioteke in die Wes-Kaap, maar as dit nie vir die Vriende van die Biblioteek was nie, sou dit maar gesukkel het. Hierdie groep vrywilligers bemark nie net die biblioteek nie maar het in 2009 meer as R45 000 ingesamel en boeke ter waarde van R27 000 aangekoop deur onder meer koffie-oggende, kulturele aktiwiteite en gelukstrekkinge aan te bied.

SPAAR RENTE OP SKULD

As 'n aanspingsmaatreël vir debiteure om hul agterstallige rekeninge voor 31 Mei vanjaar af te los, het die Raad in beginsel goedgekeur dat rente op sodanige bedrae afgeskryf kan word. Dit sal net 'n eenmalige toewysing wees en geld net vir skuld wat tot en met 31 Desember 2009 aangegaan is.

TENDER TOEGEKEN VIR SPOEDMETING

Jaagduiwels, wees gewaarsku! Munisipaliteit Overstrand is reg vir julle nadat die tender vir verkeerspoedmeting, nommerplaatherkenning en administratiewe steun vir boete-invoering in die Februarie aan Total Client Services Bpk, of beter bekend as TCS, vir 'n twee jaar tydperk toegeken is.

TCS is reeds 29 jaar in bedryf en voorsien tegnologie, toepassingsageware en gespesialiseerde dienste aan plaaslike en provinsiale owerhede by 142 geïnstalleerde persele. TCS is alombekend vir sy allernuutste infrastruktuur, bestaande uit kameratoerusting vir wetstoepassing, rekenaar-toerusting en agware wat daarop gerig is om 'n omgewing te skep wat maksimale finalisering van oortredings en bewustheid van padveiligheid in die hand te werk.

Agterkantoor-administrasie word op die perseel deur die Verkeersdepartement onder toesig van TCS behartig. Dié departement se bestuur sal die proses oorhoofs beheer, en die munisipaliteit sal van maandelikse verslae voorsien word.

Agterkantoorbedrywighede is allerbelangrik in wetstoepassing ten einde te verseker dat sake geprosesseer en doeltreffend uitgevoer word.

Die betekening van dagvaardigings sal die gesamentlike verantwoordelikheid van die Verkeersdepartement en TCS wees. TCS se betekenisagente is oral in die land gestasioneer en sal, waar moontlik, die dagvaardigings persoonlik beteken. Dagvaardigings sal ook by wyse van padblokkades en die stelsel vir nommerplaatherkenning beteken word. Las-

briewe vir arrestasie sal op soortgelyke maniere beteken word.

'n Webwerf sal tot die publiek se beskikking wees waar hulle kan registreer en toegang tot hul agterstallige boetes kan verkry. Hulle kan ook die Verkeersdepartement besoek om verifieer of alle boetes betaal is. Wanneer 'n nuwe boete geprosesseer word, sal 'n geregistreerde kliënt 'n teksboodskap ontvang om hom/haar van die verwikkeling in te lig. Lede van die publiek sal ook gefotografeerde beelde kan besigtig ten opsigte van oortredings wat deur kameras bespeur is.

Die erns waarmee spoedoortredings beskou word, is onlangs in die Landdroshof op Hermanus gedemonstreer toe 'n man met R6000,00 beboet is omdat hy 128km/u in 'n 60km/u-sone gery het.

Motorryers moet ook daarop bedag wees dat die Overstrandse Verkeersdepartement nou magtiging van die Direktooraat Openbare Vervolg ontvang het om ongemerkte voertuie aan te wend vir observasies en optrede teen bewegende oortredings sowel as die oortreding van munisipale verordeninge. Daar sal onder meer gelet word op die gebruik van selfone, verbystek op spersprepe en ongemagtigde vervoer van passasiers teen vergoeding. Die voertuie sal altyd beman wees deur beamptes in uniform.

**Daar is ook gerapporteer dat die brandstichter wat op 7 Januarie 2010 die brand in Kleinmond se informele woongebied veroorsaak het, deur die Landdros in Caledon skuldig bevind en tot 12 maande gevangenisstraf gevonnissen is, welke vonnis vir vyf jaar opgeskort is.*

BANTAMSKLIP DIE MINS GEWENSTE OPSIE

Bantamsklip is die mins gewenste opsie vir Eskom se volgende voorgenome kernkragstasie en is inderwaarheid vir die doel van verdere oorweging uit die huidige aansoek om magtiging verwyder.

In die konsepverslag oor die impak op die omgewing (OIV) wat in Februarie 2010 vrygestel is, het die omgewingskonsultante Arcus GIBB (Edms) Bpk aan die lig gebring dat die ontwikkeling van 'n kernkragstasie by Bantamsklip die minskoste-doeltreffend sal wees vergeleke met die ander twee ligings, Thyspunt (Oos-Kaap) en Duiyfontein, naby Koeberg.

Die studie het bevind dat op voorwaarde dat geskikte mitigasie geïmplementeer word, geen fatale defekte by enigen van die voorgestelde terreine bestaan nie, welke defekte hulle van die ontwikkeling van 'n kernkragstasie in die toekoms sou uitsluit.

Daar is egter bevind dat Bantamsklip té duur sou wees omdat sy ligging langer en groter transmissielyn noodsaak asook opgraderings aan die bestaande pad en brug om die vervoer van ekstraswaar-

vrage moontlik te maak. Daar is beraam dat die Bantamsklip-alternatief R8 biljoen minder koste-effektief as enigen van die ander twee terreine sou wees.

Thyspunt is as die voorkeurterrein geïdentifiseer en is by die twee regulerende owerhede, naamlik die Departement van Omgewingsake en die Nasionale Kernreguleerder, vir magtiging aanbeveel.

Burgemeester Theo Beylveldt het die resultaat van die omgewingsimpakevaluering verwelkom veral teen die agtergrond van sy oproep om inwoners om van hierdie proses gebruik te maak om hul kommer oor die moontlike plasing van 'n kernkragstasie by Bantamsklip te lug.

Die konsep-OIV is onder alle geregisterde belangstellende en geaffekteerde partye gesirkuleer wat oor 'n tydperk van 66 dae kommentaar kan lewer. 'n Aantal openbare interaksies sal gedurende hierdie tydperk plaasvind. Alle kommentaar sal oorweeg en op gereageer word voordat die finale OIV aan die Departement van Omgewingsake vir 'n besluit voorgelê word.

ERFENISOPNAME AANVAAR

Die Overstrand-erfenisopname, wat deur die firma Nicolas Baumann en Assosiate onderneem is, is aan die einde van Februarie deur die Raad aanvaar en sal nou by Erfenis Wes-Kaap ingedien word sodat die munisipaliteit bevoegdheid kan verkry om na sy eie erfenisaangeleenthede om te sien.

Die opname het gebou ower as 60 jaar geïdentifiseer; 'n algemene historiese agtergrond saamgestel, ingeslote 'n ont-

leding van stedelike morfologie; strukture ten opsigte van erfenis gekarteer, gefotografeer en geëvalueer; data, beskrywings en graderings vasgelê; areas met potensiële erfeniswaaarde gekarteer en die soneringskema in geaffekteerde gebiede in oënskouw geneem.

Die opname sluit ook die ligging van skeepsrakke en begraaftplase asook ontwikkelingsriglyne in. Die opname is beskikbaar op Overstrand se webwerf.

PLAASLIKE JONGMAN VOLGENDE OP VERHOOG



Tobias Kotzé van Hermanus, die belowendste jong tjellis in SA en tans 'n tweedejaar-BMus-student aan Stellenbosch met tjello as hoofvak, gaan OAK se volgende kunstenaar wees tydens 'n konsert wat op Sondag, 11 April 2010 om 15:30 in die Auditorium gehou sal word.



Tobias sal deur Philipus Hugo op die klavier begelei word en sal klassieke, romantiese en moderne werke uit die hele Barokspektrum uitvoer. Tobias het onderrig in Salzburg ontvang en in Londen en Zürich aan meesterklasse deelgeneem. Besprekings kan deur BELLINI by tel 028 312 4988 gedoen word. Enige ander navrae kan gerig word aan René du Plooy, OAK se Sekretaresses, by 082 940 4238.

GEMEENSKAPSPOLISIEFORUM



MISDAADVOORKOMING VIR SENIOR BURGERS

'n Sekuriteitskenner het onlangs gewaarsku dat ouer persone toenemend sagte teikens vir misdadigers word. Misdaadvoorkoming is ons almal se verantwoordelikheid en nie slegs dié van ons wetstoepassers nie. Deur die volgende wenke toe te pas, kan senior burgers hulself teen misdaad beskerm. Maak ook jou buurman bewus daarvan en bekamp misdaad wyd.

By die huis:

- Moet nie jou deur vir 'n vreemdeling oopmaak nie. Hou al jou deure wat na buite lei, gesluit en voorsien hulle van loergate.
- Wissel jou daaglikse bewegingspatrone. Moenie elke dag op dieselfde tyd gaan stap of winkels toe gaan nie.
- Moenie notas op jou deur los nie.
- Laat ligte aanbly as jy snags iewers heen gaan.
- Lig jou buurman in as jy vir 'n lang tydperk weg van jou huis af gaan wees.
- Kanselleer tydlig jou koerantaflewering en reël dat iemand jou pos uithaal as jy vir lank weggaan of vakansie gaan hou.
- Rapporteer verdagte persone in jou omgewing. Hou die plaaslike polisie-kantoor of 'n sekuriteitsfirma se nommer byderhand.
- Vra vir identiteitsdokumente indien 'n vreemdeling sou aanklop.
- Weier vreemdelinge die gebruik van jou telefoon. Maak liever self die oproep indien nodig. Moenie dat 'n vreemdeling voetoor jou drumpel sit nie.
- Moenie jou huissleutels onder die matjie by die voordeur of in die posbus vir iemand laat nie.
- As jy vermoed jy word agtervolg of enige ander onraad vermoed, bel die polisie.

Tydens wandelings:

- Vermoed dit om saans of in die nag alleen te stap.
- Moenie wapens saam met jou dra as dit nie absoluut nodig is nie: Jou wapen kan tydens 'n aanval afgeleë en teen jou gebruik word.
- Beweeg in verligte areas as dit begin donker word.
- Moenie dat jou beursie sigbaar wees wanneer jy stap nie en moenie groot somme geld saamdra nie.

Tydens inkopies:

- Hou jou beursie aan jou en nie in die mandjie of trollie nie.
- Gebruik eerder 'n koopkaart as om groot somme geld saam te dra.

In 'n motor:

- Hou jou deure gesluit.
- As jou motor onklaar raak, trek links van die pad af, maak die enjinkap oop en wag vir hulp binne-in jou motor.
- Hou jou motor in rat by 'n stopstraat.
- Beplan jou roete.
- Moenie jou beursie in die voertuig los nie.
- Sluit waardevolle goed in die katebak toe.
- Moenie rylopers oplaai nie.

By die bank:

- Wys hulp by die outomaat van die hand.
- Moenie jou krediet- of debietkaart aan iemand gee om jou te help nie.
- As jy hulp nodig het, gaan sien 'n beampte in die bank.
- Moenie saans van outomate gebruik maak as die perseel nie helder verlig is nie.

Deur jou "gesonde verstand" soos hierbo te gebruik, kan jy jou lewe soveel veiliger maak. As jy enige wenke het, skakel gerus vir Hennie Westraad van die Polisie-gemeenskapsforum in Hermanus by 082 820 4811.

DO YOU PREFER THIS NEWSLETTER IN ANOTHER OFFICIAL LANGUAGE? SMS your account number with E for English to 082 338 1631

UNGATHANDA LENCWADI YESAZISO-NDABA IBHALWE NGOLUNYE ULWIMI? Thumela i-SMS enenombolo ye-akhawunti yakho kunye no X omele isi Xhosa kule nombolo 082 338 1631